



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Pop singer Ariana Grande Final Fantasy Brave Exvius video game ad - P4

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/88

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy

CHANCHIN LAKTAWI

Regular Nurse lak thar hai meeting

CCPUR: CMO, CCPur hnuoia Regular Nurse lak thara um hai ta dingin Jan. 12, 2016, 11:00AM khin CMO Mini Conference Hall, CMO Complex-ah meeting ko a nih. Hi huna hin Regular Nurse lak thar hai chu kim taka thang seng dingin Dr Kim Simte, CMO, CCPur in an hrietir. CCPur District-a Regular nurse appointment hmu thar hi CCPur district sunga Block tum tuma inthawk mi 14 an ni a, November, 2016 a kha appointment Order insuo a ni a, joining report chu tuta hma khan an lo pek tah.

Dist. III Divn. League


CCPUR: CCPur District Sports Assn. (CDSA) huohawntain Jan. 28, 2017 a inthawk khin NYK, CCPur leh thanguolin Peace Ground, Tuibong hmunah District III Division League-2017 um a ti. Entry form Jan. 6, 2017 in semdawk tan a ni a, Entry fee le Security Deposit Rs. 4,000 a ni a, Jan. 21, 2017 chenin form peklut thei ning a ta, Jan. 24, 2017 in Managers meeting um a ti. A thang nuom Team/Club han CDSA Office-a ngaiven thei ning a ti.

Rukru han Godown an rawk

CCPUR: Zani hmasa zan dar 11 vel khan rukru ni dinga ringhla han Mualveng a Century building kawtkhar kalna iemanizat suksein an rawk a, sienkhawm kawtkhar sukseta um godown neitu Imphal a fe leini ieng ieng am an hmang ti hriet a la ni nawh. Hi building ground floor tamlem chu Godown a hmang a ni nawh. Tulai hin CCPur khawpui sungah rukru an huongintau leini mitin fimkhar thiltha ning a ti.

Saikawt CCPur-a Youth Centre le stadium puitham tak bawlina ding Ground Breaking nei a nih

CCPUR: January 7, 2017 dar 12:00(Noon) kha For One Life Ministry hmalakna hnuoia CCPur Youth Centre, Saikot hmuna bawl ding le inzawmin Ground Breaking nei a nih. Hi huna hin Rev.J.Huoplien Neitham, Moderator, EFCI chun luong tak le hlawtling taka Youth Centre bawl a ni theina dingin Pathien kuoma tawngtaipekna le ground breaking hunser a hmang. Hienganga 'For One Life' han ei rama vision tha takel neia an Project hai mipui sawr thei ding an siem tum chu lawmum a ti thu a hril a. Mihriem hin hmahlir le thiltum tha tak tak nei inla khawm, a suk-puiting theitu chu Pathien a ni a. Pathiena inthawk thil ropuitak el beisei ngam ei tiu, ei ni khawma Pathien ta dingin thil ropui tak thaw ngam tum ei tiu. Hi "Youth Centre" bawl dinga um mek hi Pathien hmangruo thatak ni a, tulai thlalai tamtak fe-suol mek hai thuoisuoktu le nun siemthatu ni a, suol dona kawnga hmangruo pawimaw takel ni nisien a nuom thu hi huna thu a hrilna huna Rev. J. Huoplien chun a hril. Upa Vantalrem khawma hi Youth Centre bawlina sin thaw



dinga US a inthawka hung Engineer pahnih- Elwin Prince le Merlin Smith hai tawng-taipekna a nei baw. Hi huna Tv.Joseph R. Joute, Director, For One Life, Asia in thu a hrilna a chun hi 'Youth Centre' bawl dinga um mek hi ei rama thalai tam tak el, talent tha tak tak nei, hun awl hmang thiem naw leia inruithein a suksiet mek hai ta dinga an hun awl hmangna ding hmun a ni ding thu a hril a. Hi Youth Centre a hin Games chi hran

Stadium (mi Sangli vel um theina), Swimming Pool, Training Centre le a dang dang an siem ding thu 'For One Life' hotuhai chun hi huna hin HT Palai an hril. Hi hunser hi Pi Lalrimawi Pudaite, Co-Founder & Global Ambassador, Bibles For The World, Pu Joseph Lalrothang, President, Hmar Inpui, Pu Joufonlien Joute, Chief of Rengkai, Saikawt VA, HYA Gen.Hqtrs le mipui iemanizatin an uop. Saikawt hmuna Youth Centre bawlina ding le inzawm hin February, 2015 kha US a inthawk Engineer le Architect mi 7 han Centre bawlina ding an lo hung en ta a a nih. Youth Centre a hin Football Stadium mi 7000 vel bawrlengna ding, Indoor Stadium le Chapel hai um vawng dinga riruung a nih. Riruung dan chun Youth Centre hi Phase 3 vela siem dinga ti a ni a phase-1 a hin Gymnasium, Stadium, Cafe/Press Box hai siem dinga ti niin ei thu dawngna chun a zieklang a, Phase 1 sinthawna zo chena sum seng ding hi Rs. 4,32,36,000/- vel nia hisap niin ei thu lakna chun a zieklang baw. hamthatna ding le vantlengin an sawr thei thil ding hai siem pek hi an thil tum a ni thu a hril a. Kar thara inthawk Youth Centre bawlina sin hi tan a ni ding thu, football inkhelna ding playground an ngaipawimaw hmasa ding thu, summer hma ngeia football inkhelna ding hi hmang hman dinga siem an tum thu a hril baw. 'For One Life' in 'Youth Centre' Saikot hmuna an bawl ding a hin Football stadium (mi singkhat vel um theina), Indoor

Parliament Budget Session Jan. 31 a inthawk



NEW DELHI: President Pranab Mukherjee chun Parliament Budget Session chu January 31, 2017 a inthawk inthung tan dingin a ko. Hi Session-a thurel ding le thu putlut dinghai chu Jan. 10, 2017 khin Cabinet Committee on Parliamentary Affairs (CCPA) meeting um a ta, chu taka chun an la rel ding a nih. Union General Budget, 2017-18 chu Feb. 1, 2017 a putlut ni dinga hril a nih. Kum dang angin Railway Budget hnan um naw ni a, General Budget-ah a thang vawng dinga hril a nih. Pre-budget economic survey report chu Session tan nia pek ni dinga hril a ni baw. Parliament Budget Session hi April 12, 2017 a zo ding a nih.

Party 6 thangna Political party thar

IMPHAL: Election hung um dinga hma la thang dingin political party thar indin a ni a, a hmangah Left Democratic Front inbuk a nih tiin CPI, Manipur Unit thuoitu Dr M. Nara Singh chun zanita Wangjing Tenth Assembly Constituency a CPI candidate vote campaign tanna huna thu a hriln huna a hril. Left and Democratic Party hran hran 6, CPI, CPI(M), Janata Dal (United), Aam Aadmi Party, NCP le MNDF hai an thang a, Assembly Election hung um dinga hin Congress le BJP thang lovin an thangtlang ding a nih tiin Dr M. Nara chun a hril baw.

Inbiek dinga hma la dingin

IMPHAL: Manipur National Highway haia hun sawt takel UNC in Economic Blockade an thawna chungechanga Manipur Chief Secretary, O. Nabakishore Singh chun Manipur sawrkar, sawrkar thlungpui le UNC palai han inbiekna (tripartite talk) an hung nei theina dinga Union Ministry of Home Affairs kuomah ziekin ngenna an siem.

Unau pahni a kang hlum

SENAPATI: January 6, 2017 zan dar 7 vel khan Senapati District a Makhon Centre-ah In pakhat a kang a, Kapani Hekha of Makhon Centre nauhai, pasal le numei, Marine (18) le Chamaikho hai chu an hmel hriet thei lo hiel khawpin a kang. Hi In kanga thil a kangsiet hi Rs. 12 lakh vel manhu ni dinga ring a nih. Kangmei hi electric fe suola inthawka intan ni dinga ring a nih.

Truck 700 vel an intang

IMPHAL: Petrol, Diesel le LPG thangsain Manipur mipui mamaw chi tumtum phur Truck 700 vel Jiribam-ah an um mek a, Security Escort ding an um charin Jiribam suksanin Imphal hung pan an ti tiin ei thu dawngna chun a hril.

Bomb puokah CRPF pahni an hliem

IMPHAL: Zani zantieng dar 6:20 vel khan helpawl ni dinga ringhla han DC, Imphal West District office bul lai bomb an sukpuok a, CRPF personnel pahni in hliemna an tuok. CRPF hai hi Naoremthong hmuna bazar-a thil inchaw dinga fe an nia hril an nih. Hliemna tuok CRPF personnel pahni hai hi Hospital-a admit an ni a, an ngirhmun a tha tiin hospital thusuok chun a hril.

Sin thaw that lein Commendation Certificate pahni a dawng



MUOLHOI: Assam rama APS Officer Pu David Neingaitte chu a sin thaw that lein December, 2016 kha Director General of Police, Assam chun 'Commendation Certificate' mawi taw takel pahni zet an hlan. Pu David Neingaitte, APS hi Muolhoi, Haflong a pieng niin tuhin West Karbi Anglong, Assam-ah Deputy Supdt. Of Police (HQ) sin a chel mek a, a nuhmei leh a nau 3 neini hi hmuna hin an khawma mek.

Assam rama hin Hmar ni Assam Police Service (APS) Officer 4 an um a, David Neingaitte hi anni laia senior tak pahna ni a, a senior tak chu Pu David Neitham a ni a, Pu Neitham hi 1993 batch APS Officer a ni a, tuhin Asst. IGP, Assam Armed Police sin a chel mek. Chhun, Pi Merilyn Khawzawl, 2010 batch APS officer bakah nikum lai kha Pu James A. Songate chun APS a hmu nawk a nih. (with inputs from SinlengNews)

NID/IPPI huna Polio Booth 444 hawng ding

CCPUR: National Immunization Day/Intensified Pulse Polio Immunization (NID/IPPI) 2017 Booth Day, First Round le Second Round nei hun ding sukel le puong a nita a. Hi dungzui hin First Round chu January 29, 2017 le Second Round chu April 2, 2017 in nei ning a ta, Mission Indradhanush February 7, 2017 in nei ni baw a ti tiin Dr V.C. Pau Tonsing, Dist. Immunization Officer/DFWO, CCPur chun a hril.



NID/IPPI 2017 nei huna hin CCPur District-a Block tum tum-ah booth 444 hawng ning a ta, nau-pang kum 0-5 inkar 37,649 hai kuomah Zenghri vengna damdawi Vials 2,235 pek/indawntir ning an ti. Mission Indradhanush hnuoia hin naupang kum 0-2 inkar hai kuoma damdawi pek dinga riruung a ni a, sienkhawm kum 2 le a chungtieng damdawi la pe-

N. Sovakiran insuo a ni tah

IMPHAL: MPP President N. Sovakiran chu zanikhan Police Custody a inthawk insuo a ni tah. N. Sovakiran hi January 4, 2017 a Uk-hongsang, Thoubal District a election thil le inzawma buoina suok leia Police han an man le Court in Police custody-a ni 4 sung um dinga a rel anga Police Custody a siea um a nih.



I&FC Dept. hnuoia sin lakna thul

IMPHAL: Irrigation & Flood Control DEpartment, Manipur hnuoia Surveyor, LDC (OA-cum-Computer Operator), Driver, Khalasi le Peon lakna dinga December 31, 2016 nia Notification insuo um chu Chief Electoral Officer, Manipur in Election Model Code of Conduct hmang a ni ta leia sukchawl dinga inhrietirna a pek angin hun tiemchin um lova la sukchawl/thul a nih tiin CE, I&FC Dept. Manipur chun inhrietirna a siem.

JE invengna damdawi inkap hun a nih:DIO

CCPUR: District Immunization Officer (DIO), CCPur chun Japanese Encephalitis (JE) natna laka invengna damdawi tulai hi inkap hun a nih tiin a hril. Nikum July thla vel kha JE natna ni dinga ring natna an leng leini mi iemanizatin an lo thi pha ta a, CCPur District pumpuiah JE dangna damnaw nasa taka inkap a ni a, sienkhawm damdawi kap in sin a thawna dingin thla khat a inthawk thla 2 sung hun a lak hlak thu DIO chun a hril. Routine Immunization tha taka zui hai ta dingin inkap a tul hran naw thu; JE damdawi hi naute thla 9 a inthawk kum 1 inkar First Dose le thla 12 le kum 2 inkar Booster Dose kap ding a ni a, sienkhawm la kap lo hai chun inkap hrim hrim a pawina a um nawh. JE le Measles dose angkhat kap thei a ni a, Measle damdawi inkap lo puitling hai khawmin Measles an invawi thei thurilin, hi natna invawi mi 5 neka tam an um chun an rang thei anga thuneitu hai inhrietir dingin a ngen.

India le Portugal han Agreements 7 an ziek

NEW DELHI: Zanikhan India rama cham mek Portuguese Prime Minister Antonio Costa le PM Narendra Modi han New Delhi hmuna inbiekna an nei a, hi huna hin an ram pahni hai inlaichinna le thawtlangna hrang hrang hai an hrihtlang hnungin an ram pahni hai thawtlangna ding Agreements 7 an ziek. Portugal le India ram han thawtlangna ding Agreements an ziek hai lai hin Defence, Agriculture, Renewable energy le marine Research tienga thawtlangna ding a thangsang.



PM Narendra Modi in agreement an ziek zoa press conference huna thu a hrihnaa chun, India ramin UN Security Council-a Permanent Member ni tuma a hmalaknaah Portugal sawrkar chun a la thlawp pei ding thu a hril a, Missile Technology Control Regime le Nuclear Suppliers Group membership chungthuah India a thlawp na thaw PM chun Costa Prime Minister chungla lawmthu a hril. Defence tiengpanga thawtlangna ding an ziek hin an ram pahni hai

kara inlaichinna nasa taka a siemthat ding thu a hril. Portuguese PM Antonio Costa hi India rama ni 7 sung cham dinga hung inzin a ni a, zani zingkar khaan Rashtrapati Bhavan hmuna ceremonial reception nei a ni a, zani zantieng khaan President Pranab Mukherjee khawm a chengna inah an hmu-pui a, Bengaluru hmuna Pravasi Bharatiya Diwas hmangnaah khuoliennin a thang baw. Pu Antonio Costa hi Thawleni a Gandhinagar hmuna Vibrant Gujarat Global Summit hmangna huna khawm thang a ta, an ram tieng a kir hmain Goa khawm sir malam baw a ti.

Kum 2016 chun Malaria invawi 72

CCPUR: District Malaria Department, CCPur chun kum 2016 sung kha CCPur district sunga PHCS, PHSCs le CHCs tum tum haia inthawk damnaw mi 18,796 hai thisen lain an enfel a, hi lai hin Malaria invawi 72 an hmu-suok a, Malaria invawi 72 hmu-suoka um hai laia 30 hai chu Malaria PF (Plasmodium Falciparum) an nih. January thla sungin mi 1,582 hai thisen lain enfel a ni a, positive le PF hmu a ni nawh. February thlain mi 1,868 thisen lain an enfel a, Positive 2 hmu a nih. March thlain mi 963 thisen enfel naah Malaria invawi hmu a ni nawh. April thlain mi 642 thisen enfel niin Malaria invawi hmu an ni nawh. May thlain mi 1,463 thisen enfel a ni a, Malaria Positive 5 le PF 1 hmu a nih. June thlain mi

1,973 hai thisen enfel a ni a, Malaria positive 11 le PF 8 hmu a nih. July thlain mi 2,101 thisen enfelnaah positive 8 le PF 3 hmu a nih. August thlain mi 1,953 thisen an enfel a, Positive 13 le PF 9 an hmu a, kum 2016 sunga Malaria invawi hmu-suok tamna tak a nih. September thlain mi 1,925 thisen enfel a ni a, Positive 10 le PF 7 hmu a ni a; October thlain mi 1,639 thisen

HT weekly-100n

Tuta tum MLA Election ding chu kan sungkuo rate suksang kan tum an tah. Khawhngnah sawr phak in ni ta ngai si naw a.. Pu, ieng zat in am i mi'nchawk ngam a? hei hril pawht la, a thu i zirin indaw chau ei tih... MoU sign khawmin tukhawm kan ringzo chuong ta nawh... chun, prepaid naw chun kan nuom nawh...



VAWISUN THUPUI

Pathienin inthiengnaw dingin a mi ko si naw a, inthieng dingin a mi ko lem a nih. Chuleiin a pawisa nawtu chun mihriem a pawisa naw an naw a, Pathien, ama Thlarau Thienghlim pe hlaktu cheu kha a pawisa naw a ni lem.
-1 Thessalonika 4:7

Editorial

UNC Economic Blockade hi

November 1, 2016 a inthawka Manipur National Highway haia UNC in Economic Blockade an thaw tan chu a la fe pei a, vawisun hi ni 67 zet a tingna a ni tah. Election Commission of India in Assembly Election hung ding puonglang ta sienkhawm UNC chun an economic blockade thaw an tawpsan naw ding thu inthiemnawna le inphalmna nei der lovin huosen takin an la puonglang ngam a. Hi thil hi ei ngaituo chet chet chun thil iemani tak a sung thua a um ni dingin a lang. A san thil iemani tak um naw sienla chu mihriemna thil takah khawm economic blockade hi tawpsan chi a ni tah. Thautui, fak le dawn thil haiah chau ni lovin thil iengkimah Manipur mipuihai chun ei tuorhlain ei harsatpui ta hle a nih. Economic Blockade hnuoiiah Christmas le Kum Thar ei hmang zo a, Economic Blockade hnuoiiah baw Assembly Election khawm ei nei nawk ding niin an lang.

Zani hmasaa New Delhi a BJP National Executive meeting-ah BJP National President Amit Shah chun hieng hin a hrii: Manipur Assembly Election hung um dingah hin Manipur mipui han sawrkar thar siem dinga BJP MLA candidate-hai an thlangting leh Manipur chu bandh le Economic Blockade um lo state-a an siem ding thu le development tienggang sin thawna khawm a fe hrat le a fe tha hle ding niin a hrii. Amit Shah tawngbau le thu hrii khawm hin umzie inthuk tak a nei niin an lang. Bandh le blockade um lo Manipur State a siem thei ding si chun iengleia mipui han harsatna vawrtawp an tuok lai taka an siem naw? Economic Blockade hi vote zawngna an hmang a ni? ti dawngnahai hi siem lo thei lo a nih.

Tuchena Manipur a inthlang boruok fe vel dana chun, March 4 le March 8 haia 11th Manipur Assembly Election hung um dinga hin party mala sawrkar siem thei ding khawpa hrat filawr zak um dingin an lang naw a, Coalition Government a hung um ding niin an lang. Political Observer thenkhat chun, Manipur-ah Coalition Government a hung um ding a ni chun, Coalition Government siemtu ding chu BJP le NPF hai ni an ring. Hi ring dan hi thil hung ni thei le thil awm takel niin an lang.

Thil chinchang hrie le thil fe dan chieng taka ngaituo a, sui hlak hai thu hrii hi a hungtlung indik tlangpui hlak. Hi lei hin Manipur Assembly Election hung um ding le inzawma Political Observers han an ngaidan le an ring dan an lo hriiawh hai khawm hi thil hung ni thei le thil um thei a nih. Party mala sawrkar siem thei ding hiel khawpa hrat filawr an um ringnawna thu khawm hi Political Observer-hai lo sui dana a nih. Amiruokchu, election politics hi inthlak danglam thut thut hlak a ni leiin Political Observer-hai ngaidan le ring dan hi indik ngei ngei a tih tina a ni nawh. Iengpo khawm nisienla Manipur Assembly Election hung um dinga an khing le an bei tak ding chu BJP le Congress party an ni ding a nih.

UNC Economic Blockade chungchangah hin state sawrkar chun a thaw thei ang chu a thaw a, ama khat chun a suktawp zonaw a, sawrkar thlungpui chu hung thangpui dingin a ngen a. Amiruokchu, state sawrkar dit dan le duthusam ang chun sawrkar thlungpui chu a hung che naw mani ding aw ti theiin a um. State sawrkar in veng a nei ang bawkin sawrkar thlungpui khawma veng chu a nei ve niin an lang. Veng neinaw hi sienla chu UNC Economic Blockade chungthuah hin tuta neka khau le hrat lemin thil an thaw thei ve ve a nih. UNC chungta thuneitu sawrkar an um a nih ti hi an suklang a hun ta hle a nih.

UNC Blockade hi hlip a ninaw chun mipui chau harsa lovin sawrkar ngei khawmin harsatna a tuok ngei ngei ding a nih. Tukhawm hin Assembly Election huoihawta ding kawngah sawrkar chun sum le pai el chau ni lovin thautui a mamawrawn hle a. Sawrkar thlungpuiin sum a hung pek zung zung el sinaw bakah Economic Blockade leiin thautui mamaw tawh hmu a ninaw a, sawrkar officer lienhai, a bikin election thil tienggang buoiputuhai chu an lu an hai a, harsa takin office an kai a, sin an thaw a nih. An harsatna hi sawrkar lukhaitu han an hrietpui a, an tul le mamawhai an pek a hun ta hle a nih.

ALL INDIA RADIO: CHURACHANDPUR PROGRAMME
Date: January 08, 2017 (Sunday)
TRANSMISSION- FM-101.4 Megahertz

Hours	Studio/CR/P	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement & Mangal Dhvani	
5.30pm	P	PAITE Prog. Sig. Tune & Announcement Announcer: Nianbiaklun 1) T. Lianchinkhup & party (dev) 2) Ngaiakhoih & party (dev)	CD-303 CD-1026
6.00pm	P	HMAR Prog., sig. Tune & Announcement Announcer: Niangngaitun 1) Caroline Pakhuongte (dev) 2) Ruthi Palamte (dev)	CD-825 CD-825
6.30pm	P	THADOU Prog., sig. Tune & Announcement Announcer: Seliemang 1) Liminlien Lhungdim (mod)	CD-1166
7:00pm	P	FARM & HOME: 1) Khammuansang Ngaiteh (dev) Paite 2) Sielmat EFCCI KTP (dev) Hmar 3) Halleluuyah Choir (dev) Thadou	CD-1506 CD-814 CD-1285

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

I HRINGNA KEISEI ALA NI MAW?

Rev. Mansang Songate



Kumthar 2017 thuoitlunga ei um hi lawm a um in a ropui takzet el. Khawvel mipui nuoi tamtak chu kum 2016 khan alo liempuia, nang le kei hi ieng leia Pathienin ei hringna ami hla pek am ning a ti aw? Eini rawi nek em a khawvel in a mamaw lem mi pawimaw an tam awm vei leh. Eini rawi neka Pathien ram le kohranin a mamaw lem an tam awm vei leh. Eini rawi nek em a mi retheihai sawmdawltu dinga tangkai lem an tam awm vei leh. Ram le hnam tadinga eini rawi neka tangkai lem an tam awm vei leh. Thu le hla rongbawlna ah ei ni rawi neka tangkai an tam awm vei leh. Unau, hieng thu hi I lo ngaituo ve hlak am? An naw leh, refugee (mani in le lo tiansana mi rama tlan lut) maktaduoi neka tam lai ieng leia mani In lum le khuo a, dam takin ei lan nui vur vur? Vuongna, rail le Lawngsiet a thi kha zozai lai khan ieng leia I hringna hla in a la um bik? Car bomb, human bomb le IED leia thi mi kha zozai la khan ieng leia ei hringna hla in a um bik am ana? Lirhning, tsunami, tui lei, lamchim le ramkanga, tam leia mi kha zozai an thi hnungin ieng leia ei la dam kuk am ana? An leh, natna raphlak, ebola, JE, AIDS, cancer le natna dang dang a nuoi tel an thi lai nang le kei hi ieng leia ei hringna hla a ala um zing am ning ati aw?

Ei fel lei le ei tha bik lei ning a ti? Pathien thu ei awi thabik lei ning ati? An naw leh, ei fimkhur lei ning a ti? An leh, ei thlarau mi lei le Pathien thu ei awi bik lei ning a ti? Ieng lei a ei hringna hi kei sei le huntha dang la hmu dinga Pathienin ami sie bik am ning a ta? Ei insung ala laklaw em lei ning a ti? Nuhmei naupang tete tamtak hmeithaiin an um bawk si a! Naupang chite te tamtak el fahra in maksan an ni bawk si a! Pathien ram rongbawlna kawngah ei tangkai bik lei hang ti ding hlak chun, Rongbawltu inro um tak tak an lo liem teu bawk si a! Hezekiah angin ei hringna kei seiin um ve sien iengtinam ei hringna khal ei ta? Hezekiah chu a hringna Pathienin kum 15 a keisei hnung khan, hun sawntaw te sungin pawu dinga inlang khawplo ni awmtak si, Pathien ngaia thilsuol ropui tak a thaw el tah a. (2Lalhai 20:17-19 en rawh). Chuleiin, Pathienin a thutiem ang ngeiin hremna chi thum a hung intlungtir tah a nih. Hremna pakhatna (1) "Ngaita, I insunga um popo le vawisun ni chena I pi le puhaiin an lo inkhaw chu Babylon khuoah an fepui nihai la hung a tih; iengkhawm maksan hrim hrim um naw nih" Lalpaina a tih". Hremna pahnina (2) ah "chun, I rila ra I nauhai laia mi khawm an fepui ding a nih, hremnaa pathumna (3) ah "I nauhai Babylon lal ina chun mitillak la ning an tih", tiin. Ei dam san le ei hringna keiseia a umna san hi ngaituo ngun ava tha awm de! Hezekiah hi a thamna thu ngawt ei sermon deu hlak a chu, "a hringna keisei ani hnung khan Pathien chiengtaka a rawna nei ta naw a hawi". A hmasiel zie inlangna chu (2Lalhai 20:19) ah hieng ang khawpa a ram siet ding le anau le tuihai chen Babylon ram ah "Mitillak" an niding a hrii kha "I hrii, Lalpa thu hi a tha ie, ka damsung hin inremna le thutak a um ding phawt chun" ala tita deu deu ani kha! 2Chro 29-31 sunga Hezekiah thil thawtha ang thaw hi Israel lal dang an um naw a hawi. Temple suk thieng, thiempu tuding nawk, temple worship a tan nawk, sawma pakhat a tan nawk le thil dang dang 14 tawp a siemtha a nih. Amiruokchu, a tan tha a, a zo sie a nih! Ama damsung po inremna a um ding phawt chun a thi hnung a thlahai le a lalam siet ding khawm an vawi ta naw a nih. A hmakhuo a siel emem a, hremna hung dinghai a tuok ve naw ding leiin, pawu tina anei naw hiel an tah. Mani hmasiel hi thilti umtak a nih. Pathienin hmangitakin ami enkawin a mi veng a, eini rawi ruok chun ei nuom nuom in ei namnul el hlak a nih. Unau, I hringna tukum 2017 la hmu tlaka Pathienina ruot che hi I lawm ve am? Lem law'ng I ta?

NOTE: Sermon ziektu Rev. Mansang Songate hin mipui lai rawngbawlnaa ngaia Pathienni (Sunday) zata Sermon a hung ziek hai hi tiempu mipui han an hlakpui ngei theina dinga tawngtainaa an hlan diem sa vavang an ni a. Chanchinbu/Magazine-a insuo sawng nuom hai khawmin insuo sawng thei a nih. Amiruokchu, Ziektu (Rev. Mansang Songate) hin Hmasawna Thar (HT) kuomah "Copyright" a pek a ni leiin HT phalna la hmasa lo chun insuo/inlet sawng phal a ninaw a, insuo sawng nuom hai chun HT/Editor kuomah phalna thei ning a tih.-Jt. Editor.

PM Jaitley annawleh PM Advani ani ding a nih: Mamata Banerjee

KOLKATA: West Bengal Chief Minister Mamata Banerjee in Prime Minister Narendra Modi in demonetisation a thaw dona in phutna thar zanikhan a siem. Banerjee chun Modi chu tawp dinga hriin, BJP thuoitu LK Advani, Finance Minister Arun Jaitley annawleh Home Minister Rajnath Singh inrawina a sawrkar thar siem dingin a hrii a nih.

Banerjee chun TMC MP hai ponzi scam chungthua man an nina chu mak a ti thu a hrii a. President Pranab Mukherjee chu inrawl ve dinga fielin, Narendra Modi laka India ram sanhim dingin a phut. "Ram sanhimna dinga President inrawl a hun ta hle. Hi mipa (PM Modi) hin ram a thuoit hei naw a nih. Inban dai raw sen. National sawrkar pieng raw seh" tia Banerjee chun hriin, opposition party hran hran



hai chu an inang nawna le inrem nawna hai tawpsan a, ram sanhimna dinga thang tlang dingin a fiell bawk a nih. January 8 a President in demonetisation in ram economy a sukhuoi pha anlau thu a hrii le inzawma Banerjee chun a hrii a nih. President a tawngbau inpakna in Banerjee chun, "Hieng anga ngaituona tuong le huosen sawrkar thlungpuihai ka la hmu ngai nawh." tiin a hrii a. Demonetisation sawiselnin in "Planning commission in BJP chun Banerjee in PM hmalakna chungthu a hrii chu

invet thlak an ti thu an hrii a. "Constitution ah chung ang provision chu a um am? Constitution humhaltu ding le constitution dungzia sinthaw dinga intiem ani naw am ani? Constitution leiin India chu hun tha le hun thanaw a tawng chang a um hlak a. Tuhin Banerjee in constitution chu sawr chinin, a hlutna a sukda tum a nih" tiin West Bengal BJP Vice-President le spokesperson Jay Prakash Majumdar chun a hrii.

Majumdar chun Modi chu BJP thuoit NDA sawrkarin 2014 a general election an neina a PM dinga thlang ani thu a hrii bawk. Rose Valley scam leiin Trinamool MP Tapas Pal le Sudip Bandyopadhyay hai chu man an nih a. Man an ni zovin Hooghly a BJP office chu raw niin, BJP leader Krishna Bhattacharya chengna IN-ah bomb denglut ani bawk.

14th Pravasi Bhartiya Divas convention tan

BENGALURU: Ni 3 sung aw ding Pravasi Bharatiya Divas (PBD 2017) a vawi 14-na chu zanikhan Bengaluru ah tan a nih. Suriname Vice President Micheal Ashwin Adhin in convention hawngna a nei a, Union Minister for Youth Affairs and Sports Vijay Goel, Minister of State for External Affairs Gen V K Singh le Karnataka Ministers R V Deshpande le Priyanka Kharge haiin an up ve.



Minister of State for External Affairs Gen V K Singh le Human Resources Development Minister Prakash Javadekar hai khawmin thuhirlna an nei ve a. Javadekar chun NRI student hai chu PM Scholarship hmang t

mek thu a hrii bawk. Convention nipui tak chu vawisuna nei ding niin, Prime Minister Narendra Modi in hawngna nei a ta, Portugal Prime Minister Dr. Antonio Costa Chief Guest niin, Thawtanni pha President Pranab Mukherjee in Pravasi Bhartiya Samman conferna nei a tih. Pravasi Bhartiya Samman chu state le central sawrkar hai le Overseas Indian Community inkara inlaichinna siemthatna dinga platform pawimaw tak niin, Mahatma Gandhi South Africa a inthawk Pravasi-a a hung suok hriet zingna dinga January 9 in kumtina hmang hlak a nih.

EC in centre dawna ngahk

NEW DELHI: Opposition haiin budget pharna hun sawn dinga ngenna an siem le inzawmin. Election Commission chun centre dawna a ngahk mek. February 1 a budget chu phar dinga ti ani a, state 5 haia election nei zoa phar chau dingin opposition party haiin an ngen a nih.

Chief Election Commissioner Nasim Zaidi in Cabinet Secretary P K Sinha lekha thawnin a hrii a, budget phar hun chungthuah PK Sinha chun parliamentary affairs rawn a tih. EC chun opposition party hran hran haiin March 8 a sawn dinga an ngenna lekha khawm a forward sa bawk a. Opposition party ngenna siemtu hai chu Congress, TMC, BSP le SP hai a nih.

Cabinet secretary chu January 10 hmaa dawna siem dinga ti ani a. Sawrkar thlungpui chun January 30 in Budget Session tan ding le, Union Budget February 1 a suklang dinga a lo ti a nih.

Nuhmei suolluia intum Meghalaya MLA man

GUWAHATI: Nuhmei suolluinaa inrawlna neia intum Meghalaya MLA Julius Dorphang chu zani hmasa zan kha Guwahati-a Gorchuk area hmuna Assam Police han an man. Julius Dorphang hi danpuoa hnaw! Hynniewtrep National Liberation Council (HNLC) founder chairman hlui, an pawl sunga ngaidan inkalna leia kum 2007-a ralthuom le Police kutah inang politics khel, Mawhati A/C a inthawk MLA dinga thlangting a nih.

Nuhmei tleirawl kum 14 mi pakhatin Shillong hmuna guest house-ah Mr Dorphang hin a tawkuoi niin complaint a pek leia chae siem khum a nih. Hi thua hin Shillong Court chun Dorphang chungta bail theilo manna ding Order January 4, 2017 kha a lo insuo ta hrim a nih. Ama baka hin nuhmei tleirawl hin midang 8 khawm an tum sa a nih. Dorphang hi zanikhan Meghalaya Police kuta inhlan a nitah.

MP urban local body polls-ah BJP a fetluong

BHOPAL: Zanita Madhya Pradesh a local body polls election result puongah BJP in hratna an chang. Harda, Amarkantak le Mandu municipal councils haia polls nei niin, BJP in hratna an chang vawng a, urban body 3 a hai hin President an chang vawng a nih.

Amarkantak ah BJP candidate Prabha Panaria in congress candidate Ankeshwari Singh a hneban a, Harda ah BJP candidate Surendra Jain in congress candidate Harimohan Sharma a hne bawk.

Mandu a chun BJP candidate Malti Gawar in President post a chang a. Gawar chun congress candidate Laxmibai Bhabar a hneban a nih. Election neina councils haia councillor tam lem chu BJP member an ni bawk. Tuta election hi MP-a congress tawm tum hnina ni nawkin, Shahdol Lok Sabha le Nepanagar assembly seats by-elections nei tumin, congress chun BJP a lo hne tanaw a nih.

CHANCHIN
LAKTAWI

Maoist han motor 3 an raw

RANCHI: Jharkhand-a West Singhbhum district sunga Roam village a chun zanikhan Maoist helpawl han lampui siemnaa hmang motor 3 zet an raw siet. Lampui siemtu company chun an khawh hmang hai venghimna ding pawisa an pek nuomnaw niin Police thusuok chun a hril.

Maoist helpawl hai chun kum tin Jharkhand-a lampui siemtu le building bawlu companies hai bakah development activities haia inthawk Rs. 250 crores chuong an lakpek hlak nia hril a nih.

J&K CM un-
aupa in PDP a
zawm

SRINAGAR: Jammu and Kashmir Chief Minister Ms Mehbooba Mufti unupa Tasaduq Hussain Mufti chun a pa J&K CM hlui Mufti Muhammad Sayeed thi champha nin zanikhan official in Peoples Democratic Party (PDP) a zawm. Mr Tasaduq Hussain Mufti hi 'Omkaara' le 'Kaminey' ti film haia lo inchang le hung inlar a ni a, a sung le kuo han politics-a a farnu (Mehbooba) thlawp le thangpui dinga an ngenna anga Politics hung lut le PDP zawm niin ei thu dawngna chun a hril.

BSP candidate
motor-ah silai le Rs.
6 lakh dapdaw

ALIGARH: Zanikhan Aligarh Police han Bahujan Samaj Party (BSP) candidate Mohd. Sageer motor-a inthawk semi-automatic licensed Rifles pahni le pawisa Rs. 6 lakh zet dapdawkin an man. Election Model Code of Conduct hmang mek le inzawma Police han motor inlawm vel hai an dapnaa hieng thil hai hi an dapdaw a nih. Police chun election code of conduct bawsietna lein political parties hai flags le hooters 40 chuong an lakhlak baw.

Cellphones Rs. 10
lakh manhu hmukir

BHUBANESWAR: Odisha-a chun Khandagiri Police han pasal 4 hai chu an mobile phones/cellphones inruksa 66, Rs. 10 lakh manhu hai leh zanikhan an mankir. Hieng mi 4 hai hi Tomando area hmuna thla 3 vel liemtaa inthawka kha mobile phone inrukhmangna sin hi an lo thaw tan ta a ni a, lampuia kea fe hai mobile hmang lai lapek a, inrang taka Bike hmanga tlanhmangpui hlak an nih.

Ex-Servicemen
kap hlum

GURGAON: Bike-a chuong pasal pahni hai chun zani zingkar 9AM vel khan Gurgaon-a Badshahpur village-ah Ex-servicemen Subhash chu a chengna in tuolah an kap hlum hungin an tiansan. Mr Subhash tak-saa hin silaimu lutna be hmun 6 zet hmu a nih. Inrang takin Hospital panpui a ni a, sienkhawm doctor han an san thei ta chuongnaw a nih.

RT&HM in mobile
apps 2 launch ding

NEW DELHI: Road Transport & Highway Ministry chun mobile apps 2 a tlangzar vat ta ding niin a hril. Mobile apps a siem hai chu m-Parivahan le e-challan niin, road safety chau nilovin mihiem hai inbiectuona a khawm hmang thei dinga siem a nih.

m-Parivahan chu citizen centric app niin, motor le a khaltu indik le indik naw enna a hmang ning a ta. e-Challan chu enforcement app niin, traffic police le transport thuneitu hai hmang ding a nih. Thawtanni a tan ding Road Safety Week sunga apps 2 hai chu tlangzar hman beisei a nih.

Rs. 500 le Rs. 1,000 notes tiemna nei zing;
NRI haiin June 30 chen note hlui thleng thei

MUMBAI: Rs. 500 le Rs. 1,000 notes hlui bank a deposit hai tiemna nei zing ani thu Reserve Bank of India (RBI) chun a hril. Notes hlui hai deposit theina hun chu suktawp ani ta lein, RBI chun tiemna nei zoa pawisa lut zat suksuok vat a tum a nih.

Media report thenkhatin, note hlui hai Rs. 14.5 lakh crore le 15 lakh crore vel (94% a inthawk 97%) bank a lut nawk ta angin an hril leia RBI in thusuok a siem a nih. RBI thusuokin a hril dan

chun, bank a notes deposit hai chu tiem mek ani thu a hril a. Banking system a pawisa lut zat chu tiem suol annawleh, tiem nawn um lo dinga fimkhur taka tiemna nei ani thu a hril baw.

RBI chun NRI hai tadingin notes hlui hai thleng thei hun a suksei pek baw a. India mi nisi India rama um lo haiin Rs. 500 le Rs. 1,000 notes hlui hai chu RBI Office ah June 30, 2017 chen thleng thei ani ding thu a hril a nih.

External Affairs Ministry

in thusuok a siem dan chun, NRI haiin note hlui an thleng chu ram puoa India pawisa um hai lakluta dinga thaw ani thu a hril a. Foreign Exchange Management Regulations, 2015 dungzuia pawisa chu thleng ani ding thu le, mi pakhatin Rs. 25,000 pei vavikhata thleng thei ani ding thu a hril baw.

India mi rambung hran hrana um hai Bengaluru a Pravasi Bhartiya Divas hmangna ah an thang ding ani le inzawma thusuok chu siem a nih.

Delhi Metro-ah chemte le nawtchawh nuhmei hai pai phal

NEW DELHI: Nuhmei haiin mani sahmina a hmang dingin Delhi Metro-ah chemte chin le nawtchawh an pai phal pek an nih. India ramah nuhmei suollui le sawisakna a hlur hrat hle a, chuong thil haiah midang a thangpui ding an um naw laia, mani sahmina a an hmang theina dinga phal pek an nih.

Central Industrial Security Force (CISF) haiin thutlukna an siem ani a, 'manning points' a

check an thaw huna khawm an sin a suktawm pha ta ding a nih. Kha hma khan chemte chin le nawtchawh thangin thil chawh thei hai chu 'collection centre' a in peklutir an ni hlak a. Mi thumhnanw an lakpek hai pekkirna in hun tam tak an khawral pha hlak a nih.

September 25, 2016 a CISF in thusuok a siemna a chun, nuhmei tukhawm chemte 4 inch neka sei pai phal ani nawh a. Station hran hran hai ah chemte chin

le thil chawh thei lighter le nawtchawh nitin 100 neka tam man ani zie hlak baw.

Tuta thusuok an siem thara chun, chemte le nawtchawh chau nilovin, hmangruo khawm chawh phal an tah. Sinhawna hmangruo chawh phal an naw leia labour haiin harsatna an tuok hlak khawm a bo ta ding a nih. Nuhmei hai himma le passenger hai thawveng taka an inzin kuol chu CISF hai duthasam tak ani thu official statement an suksuoka chun an ziek.

Medical student sai hlaktu kum 65 mi man

PUNE: Rêl chungah putar pakhatin medical student nunghak pakhat saiin zamaw rawng kaia a bieklak hlak lein zanikhan man a nih. Putar chu Kasarwadi (65) niin, chuong ang thil chu a lo thaw rawp ta hlaka hril a nih.

Kasarwadi chu sawrkar sin pension tah ani a. Nunghak kum 26 mi medical student chu a college kaina lampuia a zui ruk vel hlaka hril a nih. Rêl chungah chun a bula inthungin a sai vel hlak a. Nunghaknu in a hal

hnung khawmin a sim thei chuong nawh. Chuonga nitina sai pawr vela zamaw rawng kai dama a bieklak hlak lein, nunghaknu chun Government Railway Police (GRP) ah report a thelut a nih.

Kasarwadi chu police han manin an hrentang mek a, court ah chargesheet thawn ni tah in, police custody a kawl mek a nih.

Police hai kuoma an puong danin, Kasarwadi chu nuhmei nei talo ani a. Nau nuhmei le pasal pakhat

ve ve neiin, kawppui an nei tah a. A khat chaw Ina um a nih. Local train ah chuonga nunghak sai vel chu hun khawralna (time pass) in a hmang hlak a nih. Lonavla le Pune inkara Rêl a chun nitina chuonin, nunghak a saipawr hlak niin a hril a. Medical student nu chu a hmu hnung chu midang a zui ta ngai naw thu a hril baw a. Nunghaknu college fe le inlawi huna hai chun ama ruolin nitinin Rêl a chun a chuong hlak thu a hril.

Demonetisation: Pawisa mamaw tawh nei lo leia inthaw

GUWAHATI: Pipratoli Tea Estate, Dibrugarh a sinhawtu Achyut Bhuyan chu demonetisation leia pawisa a mamaw tawh a hmu thei naw lein ama le ama an thei. Achyut Bhuyan chun nitina a fak ding bakah, bat tam tak a nei a, pawisa buoi lein a mamaw tawh a hmu thei nawh a. An khaihlum hma in a beidawngna thu a ruol hai kuomah a lo inzawt

rawp ta hlaka hril a nih. Achyut Bhuyan chun tur a dawn a, Assam Medical College & Hospital (AMCH) ah inrang taka tlanpui nghal niin, hospital a chun a thisa ani ta thu puong a nih.

Demonetisation huonga a ruoitu haiin hlaw mumal taka an pek thei naw thu le, bat tam tak a nei hai a rul thei naw beidawngna inthaw an thu Chabua constituency MLA

le Assam Chah Mazdoor Sangha (ACMS) a office-bearer Raju Sahu chun a hril a. Pipratoli Tea Estate chu sinhawtu hai hlaw pekna kawngah demonetisation a inthaw harsatna an tuok thu ACMS vice-president S. Gour chun a hril baw. Assam Chah Mazdoor Sangha (ACMS) chu Assam a tea union hai laia lientak le a khai khawmtu a nih.

Thailand rama tuilet lein mi 12 an thi

BANGKOK: Zanikhan Thailand ah ruo nasatakin a sur a, hmun hran hrana tui a let nasa hle. Tui a let lein mi tam tak chu an In hai maksanin hmun himna an bel tawl. Ruo bawhaw hung sur thut ani lein, tui-letin a fen leia hringna chan zani zan chen khan 12 an tling tah a, mi tam tak umna ding hriet loa chavai an um pha baw.

Thailand Interior Ministry thusuokin a hril dan chun, tuiletin mi sangtel nundan pangai a sukbuoi pha niin a hril a. Sansuokna sin thawtu hai khawmin theitawp an suo a, khawpui lunna lai taka cheng hai khawm tuiletin a nangchil lein, mi tamtak chu inchungaha hai an lawnkai a nih. Bazar le lamlienpui a



hai khawm tui a tam lein motor a tlan thei nawh a, office kai le fena nei hai a sukbuoi pha hle. Khawpui lunna lai tak khawm vavung angin tui a sip vavung a. In le bazaara tuomhnanw hai khawm nasatakin tuin a len dar baw.

Ruo bawhaw sur le tuilet lein inzinmi hai khawm nasatakin a sukbuoi pha a. Vuongna vuong suok ding hai suk-

chawl niin, Rêl tlan ding hai khawm tlan thei lovin an um pha. Thailand ah tu ang huna thal lain ruo a la sur ngai nawh a, thawle khata a sur thut lein mi tam tak mak ti a tling a nih. Ruo sur chu ni 2 a lan zawm ding niin weather forecast chun a hril a. Tui-letin mihiem chengna In, school le sawrkar building pawimaw tam tak a suksiet pha baw a nih.



SIELMAT CHRISTIAN HIGHER SECONDARY SCHOOL
Sielmat, Churachandpur

TEACHERS REQUIRED

Applications are invited for teaching posts in the High School and Primary Sections of the School.

Qualified, born-again and committed Christians may submit their curriculum vitae in person to the Principal not later than 14th January, 2017.

Sd/- Principal
SCHSS

(8,10)

MANIFESTO PUANKHIAKNA
PROGRAM A CHIALNA

Hongtung ding January 9, 2017 (Seppatni) zinglam dak 11:00 in YPA Gen. Hqrts. Hall, Hiangtam Lamka ah Pu Thangbiaklian Hangzo, Intending MLA Candidate, 58-Churachandpur Assembly Constituency in manifesto puankhiakna neiding hi.

Hiai hun hong uap ding in nang leng ngainatak in kahon chial uhi.

CENTRAL ELECTION COMMITTEE
Thangbiaklian Hangzo
MLA Intending Candidate, 58-Churachandpur A/C

NEEPCO in 2,000 MW peksuok tum

SHILLONG: North Eastern Electric Power Corporation Limited (NEEPCO) chun 2017 kum tawp tieng 2,000 MW power pesuok thei public sector company ni tuma thang a lak thu a hril. Chairman cum Managing Director AG West Kharkongor chun, 2,000 MW a la ting nawna 770 MW ani thu hriin, chuong hai hmuokna dinga project 3 hawng t hang lak ani ding thu a hril.

Mawphu Stage II project pre-investment clearance thawn ding chungthu ah NEEPCO CMD in Sangma inhmupuiina a nei a. Clearance chu March thla a zo ding niin, project sinhawna tak chu October thla a tan ning a tih. NEEPCO projects tam tak chu Northeastern region

Fee pe theilo leia inkhaihlum

HYDERABAD: Hyderabad a class IX inchuklai Mirza Salman chu school fee a pek thei naw leia an hotuhaiin inzak taka an siem tuorzo lovin an khaihlum. Mirza Salman chu school a tinin a room sungah inkal khumin, stool hmangin an khaihlum a nih.

Mirza Salman chu school fee a pek thei naw lein an hotuhaiin an hrem a. School a chun a kekawr inhlipitirin a neka chin lem naupang hai bulah an inumtir nia hril a nih. A unupa Basher in Mirza Salman chu Nilaini a school fee an pek tlak hma

Trump in national intelligence
director dingin Dan Coats a ruot



WASHINGTON: US President thlang thar Donald Trump in National Intelligence Director thar dingin Dan Coats a ruot. Dan Coats chu Indiana senator hlui niin, Senate Intelligence Committee a khawm lo thaw ta hlak a nih. Coats chun US intelligence sinhawna enkaiin, a dotu ding hai dangna leh rorelna khawl chelin sin a thaw ta ding a nih.

National Intelligence Director thar ruotna chu Russia President in Trump a hratina dinga campaign a thaw nia intelligence report a suok lei a nih. Coats chun James Clapper a thlak ding a na, a sin a zawmna dingin US senate in remtina a pek a la ngai ding a nih.

Kan Pa Dittak



Mr Hrangduoilo Joute
(5th April 1951 - 8th January, 2015)

Vân Jerusalem tharah i min lawisan na ni champha a vawihina a hunglung hin, nang kan ngaina che a zuol a. I thai le I hraileng hai hin inghilni reng nei nawng kan che.

- I Nuhmei : Mrs Parvulkim
- I nauhai : Ms Lalbiekrem
- Ms. Lalhrietpui
- Ms. Lienthangpui
- Ms. Marina Lalnivar
- Ms. Grace Ramtharmawi
- Mr. Samuel Rolawmum Joute
- Ms. Jenny Zaitangmawi

1st DEATH ANNIVERSARY



Tv. Richard LM Thanga

J thi champha a hung lung hin kan ngai che a zuol ie. Ni kin niah in hmu khawm ei tih.

Rengkai
7th Jan., 2017

I pa: Sub. H. Thangkunga
I nu: Mrs Lalmami
I U hai le I ruolthahai

CHILDREN'S RETREAT
CHURACHANDPUR
2017
JANUARY 9 - 13, 2017
HSA CAMPUS, RENGKAI
Transportation will be provided from Sielmat, Khawmawi, Saidan, Saikot & Muolbem
PROGRAM WILL BE IN ENGLISH
FOR MORE INFORMATION CALL +91 7627918932
A youth Service will be held Wednesday, Thursday & Friday at 5:30pm

ENGLISH GRAMMAR THIEM
NUOMHAI TA DINGIN
(70 Days' English Grammar Course in Hmar)
Tuluaia inchuklaiha'n harsatna an tuok lien tak chu Saptawng an thiemtawknawna hi a nih a. A san lien tak nia inlang chu English Grammar an thiemtawknaw lei a nih. English Grammar hi Class V-a inthawka inchuk tan ni si, an thiem nâw tlat hi a san a um a: Hmar tawnga hriifiena an dawng naw lei a nih. Chuleichun, Hmar tawnga English Grammar inchukna, Batch 2 (Pawl 7 & 8 le, Pawl 9 & 10) hai ta dingin January 10-a inthawk khin 70 Days' English Grammar Course in Hmar, Ruoiel Pangamte Compound, Rengkai Road, Rengkai-ah tan a ni ding a nih. A ngaiven nuomhai ta dingin -
Dates for registration: January 04 - January 09, 2017
Number of Seats:
Class VII & VIII: 10 Course Time: 1 PM (Only January 2017)
Class IX & X: 10 Course Time: 7 AM (Only January 2017)
Course Fee: ₹ 3,000/- (Advance-a pektlak a ngai)
** Seat 10 vè ve bak lak thei a ni nawh.
** Inthiemtir ngei ngei dinga inchuktir tum an ni lein, a thiem
nuom tak tak naw chun, ngaiven ngaiti naw nih.
** Contact No. 7005244412 / 9862402286

ACCELERATE
FOUNDATION COURSE
*For ALL Exams:(SSC,Banks,CDS etc)
Focus-Reasoning, Quant, English & GS
Starts 9th Jan
Morning Batch : 6:30 AM to 9:30 AM
Day Batch : 9:30 AM to 1:30 PM
Afternoon Batch: 1:30 PM to 5:00 PM
Evening Batch : 3:15 PM to 5:00 PM
Full Course Duration:5-6 Months Reg Fee: 500/-
HOSTEL AVAILABLE for Oustation Students
Contact: 8575571524/8119871471
Course Fee:Rs 10000/-(10%discount on 1 timepayment)
Forms also avail:-Lun Computer Works,Tuibuong

MARKSHEET LOST
I have lost my Class X Original Marksheet bearing Roll No. 17743 and Registration No. 1406460048 of 2016 issued by Board of Secondary Education Manipur (BSEM) on my way between Lamka and Saikawt on December 12, 2016. Finders are requested to handover the same to the undersigned.
Sd/- Esther Lungdampui
Contact No. 8974486233

Shah Rukh Khan, SM-a Hril Hlawtak

MUMBAI: Kum thar 2017 hin a film thar tak "Raees" tlangzar dinga aningsat zing laiin Shah Rukh Khan chu 2016 kuma film star social media Twitter-a zawng hlaw tak, a hming sam rawntak a nih. Shah Rukh Khan hin a ruolpa Salman Khan a khum a nih. An account a inthawka an activity le followers han an zui dana inthawka inkhiin Shah Rukh Khan-in 36% a hmu a, Salman Khan chun 18% a hmu.



hai an nih.

Hi Milar List (Most Spoken Male Celebrity of 2016) ah hin thang thar Next-Gen, kum 30 hnuoi Varun Dhawan khawm a hung inlang ve a, pathumna a nih. Varun Dhawan hi Akshay Kumar nek khawmin an lara a hming sam rik rawn lem a nih. Akshay Kumar chu a 4-na a nih a, Amitabh Bachchan chu a 5-na a nih. Top Ten List-a thang danghai chu Hritik Roshan, Sidharth Malhotra, Karan Johar, Ajay Devgan le Ranveer Singh

"Shivaay" niin palina le pangana chu Sahid Kapoor changna "Uda Punjab" le Alia Bhatt changna "Dear Zindagi" hai an nih. Top Ten list-a thanghai chu Akshay Kumar's "Rustom" le "Airlift", Shah Rukh Khan's "Fan", Ranveer Singh's "Bekifre" le Aamir Khan changna "Dangal" hai an nih. Kum 2017 tharah chu Aamir Khan film "Dangal" hi pawisa hui lut rawntak niin Salman Khan film "Sultan" nekin a hmu rawn lem daih a nih. Chawlkar thum sung chawvin Rs.3000 crore chuonga a hmu suok a nih.

Emma Stone Le Andrew Inhmua Nawk

LOS ANGELES: "The Amazing Spiderman" (2010) siem laia inthawkin an indit tan a. Kum li an inzui hnungin October 2015 khan an inthe a, August 2016 khan London ah an leng kawp lai hmu an ni nawk a, chu hnunga inhmua zui nawk ta lo le inthe ta Emma Stone le Andrew Garfield hai chu Zirtawpni khan 17th annual AFI Awards, Beverly Hills ah an inhmua nawk a. Hun hlimuk tak hmangin an lan ngai hmel hie tiin E! News chun a hril.



Emma Stone film thar tak "La La Land" le Andrew film thar tak "Hacksaw Ridge" le "Silence" hai chu AFI Movies of the Year 2016 top ten ah thlang an nih a, awards dawng dinga fe ve inhmua nawk an nih.

Four Seasons Hotel-a Emma Stone table-a thungna ruokah chun Andrew hi a va thung a, an holhim ngahl a. Kum 28-a upa Stone hin a lo hmu chu a hlim hie a, "Tuhin chu ka dam huoi el tah" a ti h a. Andrew chun Stone darah a kut siein ramtin an hril a. Stone a changna "La La Land" director Damien Chazelle leh an inbiek zo chun "Silence"

official table tieng a fesan nawk a, Stone hin a thilir vawng vawng a nih.

London-a an inhmua hnung khawmin an karah inhmangaina inthuktak a la um zing a. Emma Stone khawmin Vogue magazine kuomah, "Andrew chu ka la hmangai zing a nih" tiin a hril baw. Garfield khawmin Stone le hun hlimuk tak an hmang lai hai le hmatiang peia a thiltum W magazine a hrlinaa chun, "Stone a kum 29-na birthday puithu tak le a hlimuk thei ang patawpa lawmpui a tum thu le, 'Happiest Place on earth' ah thuoikai a tum thu soial media la ruolhai kuomah a hril baw. An karah hmangaina le inngaina inthuktak a la um a nih, tiin E! News chun a ziek baw. Pathienni-a 2017 Golden Globes award ah an pahni'n nominated an nih lein inhmua nawk ngei an ta, Jan. 29 a 2017 Screen Actors Guild Award ah an thang ve lein inhmua nawk an ta, hi hma deuh hin Jan.24 a 2017 Oscars award ah khawm an inhmua baw ding a nih lein hun tha an hau hle.

Trump Le Arnold Twitter Ah Inbei Nasa

WASHINGTON: US President thlang-thar Donald Trump chun a tawngbau thlum naw tak hmanga Republican Governor hlui le celebrity Arnold Schwarzenegger chu ama tluk naw hlea a hril lein Twitter ah an inbei nasa hle.



Mr Trump chun entu mipui a chanve zet sukhmangtu ah Arnold intumin, "DJT machine rate dungzui chun, Arnold-in a hlutna a sukhmang vawng a nih. Movie star umzie a um nawh" tiin a twit a. Arnold neka

thaw tha hlea inhrilin, "Ka host-na season le a host-na season hei compare ro, inthlaw tak a nih. Anachu, paw ti naw nih. Hillary le Kasich a support that an nawh" tiin politics rawng niina a deusaw a.

Lincoln tawngbau hawin, "Hmelma ei ni nawh a, ruoltha ei nih lem. Nuom dan a lo inang ta naw khawma ei inlainatna a suksiet ding a nih nawh..." tiin video a thawn a.

Arnold chun dawnletin, diplomatic takin "Mipuihai rawngbawlna neka sin hlu a um nawh @realDonaldTrump. I rating i buoipui ang baw hin America mipuihai i buoipui ka beisei" tiin President Abraham Lincoln a thuhiril a hrilswavngna video "one of my heroes" en dingin an fui bawka.

Ariana Grande Final Fantasy Game Ah

Los Angeles: Pop singer Ariana Grande (23) chu Final Fantasy: Brave Exvius video game ah character pakhatna inthangtir a nih. Final Fantasy game-a a thang ding thu hi phur takin, "I'll

be featured in Final Fantasy. Check out my character in the game, it's the cutest thing I've ever seen" tiin a fans hai a shared.



"Ka phur taluo a, kei le kei kan sum thei naw deuh thaw a nih" tiin a hril baw. Final Fantasy video game mobile version hin 2015 khan Japan ah released a nih a, June 2016 chenah khan khawvel pumpui ah a hmangtu million riet neka tam an um hman a nih. Tulai khawvela video game zawr fe tak le inlartak, film le lekhabu haia suok rawntak a nih.

Ariana Grande hi tu tak hin Dangerous Woman tour nei dinga inbuotsai mek a

Sania Mirza le Bethanie Mattek-Sands han Brisbane International women's doubles title an lak



Brisbane: India tennis inkhel thiem Sania Mirza chun America mi Bethanie Mattek-Sands le season hmasatak-na-a dingin Brisbane International women's doubles title chu a lo lak tah. Amruokchu an trophy lak le inruol hin Mirza in kar 91 zet WTA world no.1 hmun a hluo chu a ruolna Sands lakah hin an tla ta a nih. Indo-American partner hai hin an trophy dawmna ding hin an khingpui Russia team; Ekaterina Makrova le Elena Vesnina hai hi 6-2, 6-3 in an sawp a nih. Mirza hi nikum khawm khan Swiss mi Martina Hingis le trophy an lo dawm taa, hienga defending champion an hung ni nawk el hi a ropui hle a nih tiin hril. A hril peinaa chun "ka ruolnu le hin kan inkhel tha hlea, phak khawm kan phak hle baw a nih. Hieng ang inkhelna hi kum khata vawi khat chau inkhel hlak ania, kan inkhel kawp nuhnung tak khan Sydney-ah hratna kan chang a nih. Hmatiang pei khawm lan hnel khawp pei lang ka nuom. No.1 kalo nia, tu ruok hin chu ama, kei kan naw le ama. Kum inchik thlak tak a nei a nih. Ka pakin ama hi wa ruol lak tak a nih," tiin a hril. Mirza hi kar nawk khin Sydney-ah kir nawkin January 16 hin a ruolnu Czech Republic mi Barbora Strycova le Australian Open inkhel kawp an ti h.

Sports:

FIFA BEST PLAYER OF THE YEAR 2016 TOP 3 PUONG A NI TAH

Ballon D' Or vawi 5 la tah Messi, Vawi 4 la tah C. Ronaldo le vawikhat khawm la la lo Antoine Griezman hai hi a tu tak am FIFA Best Player 2016 ning an ta leh?

Ballon D' Or 2015-16 sem zo a ni khan FIFA chun Ballon D' Or le inzawmna a lo suktawp ta a nih a, chu hnung chun FIFA Best Player of the Year a hung tan thar nawk a nih. Chu dungzui chun FIFA Best Player of the Year 2016 top 3 chu thlangdaw a ni tah a. Chuonghai chu Argentinian International Lionel Messi, Portugal Captain Cristiano Ronaldo le French Striker Antoine Griezman hai an nih. Final Result chu hung tung ding January 9, 2017 khin Zurich hmunah puong ning a ta, lawmman khawm sem ngahl ning a ti h.



em em a, Euro 2016 Final a kaipui a nih. Hi lei hin tuta lawmman hi a lo dawng khawma thil awmnav taluo ni naw nih. A ram ta dinga a khel chanpui, tuta Manchester United-a khel mek Paul Pogba khawma, "Ka lawmpui taluo. Atletico Madrid-a a lut hlum khaan inkhel a chang tlawm a, ka kuoma ngei khawm inkhel tum naw an hawinawzie a mi hril a, a hnungah theitawp a hung suo a, hieng ang chen a hung tung thei a nih," tiin a hril.

an nih. Ei hriet seng angin Claudio Raniero hin tu ring phak lovin English Premier League Leicester City a lakpui a, Leicester ta dinga kum 132 tawp football an inkhel tunga a vawikhatna dingin Premier League Champion a ni kha. Hi lei hin Best Coach lawmman a dawng khawma awm naw bek bek naw nih.

Portuguese Coach Fernando Santos khawm Portugal ta dingin a theina po po a suo a, a hratna a theina le a thiema po po sawrin ring um lo rak khawpin Portugal chu Euro 2016 a lakpui a ni kha. Hi lei hin Best Coach nina chu a phu ve hle tho ti thei thawkkhat a nih.

Real Madrid enkawlina sin a vawikhat chelna chauah Zinedine Zidane chun Real Madrid chu Europe Football Tournament lien tak a lakpui ngahl a. Ama hi Champions League player le Coach a lakawp thei mi pasari laia pakhat a hung ni ta a nih. Hi lei hin hieng Coach pathumbhai laia pakhat tak hin hi lawmman hi an lo lak a ni khawma thil awmnav taluo ni naw nih. Ieng ieng khawm ni sien January 2017 chu lo hang nghak phawt ei ti h.

Rooney in United goal thun hrat Charlton an dukpui

MANCHESTER: Manchester United captain Wayne Rooney chun inrinni zan khan FA cup-ah Reading le an inkhel tumin a 249th goal thunin United goal thun hrat Bobby Charlton chu in angpuiin record alo siem tah. Rooney record goal hi Juan Mata ball siempek hmanga minutes 7na chaua a siem a nih. Hi inkhelna-a hin United midfielder hlui Charlton le United manager hlui Alex Ferguson hai khawm entu mipui lai an thang ve. Rooney in record a siema kawnga hin united captain hlui Bryan Robson chun alawmpui thu twitter hmangin an thun. Rooney hi kum 2004 khan kum 18 mi niin Everton a inthawk Manchester United a zawma, Champion League-ah Fenerbahce le an inkhel tum, mipui laia an lang hmasatakna dingin hat-trick a siem nghe nghe a nih. Kum 2010 khan Professional Footballers' Association Player of the Year le the Football Writers' Association Footballer-a thlang a lo nita baw. Louis van Gaal in United a hung enkawl um July 2014 khan team captain nina pek a nih, chu zo thla tum raklo hnunga England manager Roy Hodgson in England team captain nina an lak baw a nih.

FA CUP Fixture: 8th Jan. 2017

17:00	Cardiff City Vs Fulham
19:00	Liverpool Vs Plymouth Argyle
20:30	Middlesbrough Vs Sheffield Wednesday
20:30	Chelsea Vs Peterborough
21:30	Tottenham Vs Aston Villa

PRIMERA DIVISION Fixture: 8th Jan. 2017

01:15	Real Sociedad
16:30	Athletic club Vs Deportivo
20:45	Real Betis Vs Leganes
23:00	Celta de Vigo Vs Malaga

HERO INDIAN LEAGUE Fixture: 8th Jan. 2017

16:30	Chennai City FC Vs Minerva Punjab
19:00	Mohun Bagan Vs Churchill Brothers

FA CUP 3rd ROUND MATCH HMASA TAK THLIRLETNA

Manchester City Boss Pep Guardiola ta dinga FA Cup inkhel hmasa takah an khingpui West Ham United an sawp

English Football Tournament upa tak 3rd Round inkhelna hmasa takah Pep Guardiola ta dinga a vawikhat tuok vena dingin West Ham khelmuol, Manchester City chun an lutchil a, tan nia inthawk a tu tieng tieng khawma goal thun el thei an um nawh a, anachu minute 33 a liem charin City chun Penalty an hmu a, chu chu



thun nawk bik um lovin hun iemani chen an inkhel a, hun tawp hnai ruoi minute 84 naah John Stones chun City ta dingin goal dang a hung thunsa lein West Ham ta ding chun beiseina a bo der tah. Hi dungzui hin West Ham chun an khelmuol ngeiah FA Cup 2016 chu muolpo takin an lo inthaliem a ngai tah a nih. Hi inkhela hin West Ham chun an khingpui Manchester City chu ieng ieng khawma an tluk naw hle a nih.

England stirker hlui Alan Shearer chun, "West Ham chun passing le ball them reng rengah an che fuik naw vawng a nih," tiin hi

inkhel chungchang thu hi a hril. Ball possession an reng reng khawma Manchester City-in 67% an chang a, West Ham tieng ruok chun 33% chau an chang phak a nih. Hi lei hin a phu lemin hratna an chang ti a nih.

Hi inkhel chungchang Manchester City Manager Pep Guardiola chun, "Ring nekin ball kan chang rawn a, goal thun theina hun remchang khawm kan siem, Penalty hma khawm khaan goal ngei ngei theina hun remchang a um a chu a goal tawl naw me a nih. Goal pahinna le pathumna hnunga khaan chu inkhel kha a hadam met a nih," tiin a hril a.

LA LIGA SATURDAY NIGHT REVIEW

Real Madrid chun an khelmuolah Bottom Club Granada 5-0 in an lo sawp

La Liga Leader Real Madrid chun kumthar 2017 bul an tan tha hle a. Copa Del Rey - ah Sevilla an lo hne zovin zani zan khan La Liga Early Kick Off-ah Bottom Club Granada an lo mikuol a, hun tan a ni hlima inthawk Real Madrid chun Isco hmaning goal an thun ngahl a, chu zo minute 10 khawm a liem hma'n Karim Benzema chun Real Madrid ta dingin goal hnina a hung thun nawk a, chu zo hlim Minute 6 zo chauah World Player of the World ni mek Cristiano Ronaldo chun goal dang a hung thun sa nawk a. Half chenah Real Madrid chun 4-0 in hma an thuoai a nih.

Half zo iemani chen hnungah Real Madrid ta ding bawkin Casemiro chun goal pakhat a thun sa nawk a, mikuol team ta ding chun beiseina a um ta nawh. Hi game-a hin goal nuhnung tak thuntu Casemiro chun Yellow card pakhat a hmu a, Granada

minute 24 naah mikuol trieng baw Guilherme chun Yellow Card a hmu nawk a, khelmuol neitu tieng Salva Sevilla chun minute 27 naah Yellow card a hmu ve nawk a, thei tawpin an inbei a chu Half chenah goal a lut thei nawh.

Second half intan hlim minute 59 naah Deportivo chun Selso Borges hmangin goal an thun hmasa a, chu zo chau minute 63 naah Espanyol tieng Gerard Moreno hmangin an siphur an thung a. Goal thun tumin theitawp suo ve ve hai sien khawm a tu tieng khawma a thun thei bik an um ta naw lein point pakhat ve ve-a insem in insuklungawi ta a nih. Anachu inang-tawkh chara hun a tawp tawm charin mikuol tieng Yellow Card hmu hmasa taktu Juanfran chun Yellow Card a hmu nawk lein hnawt dawk a nih. Hi dungzui hin Espanyol chu Table-ah pakuona an ni a, Deportivo ruok chu a 15-na an ni mek ve thung.

La Liga Match dangah Espanyol chun Deportivo La Coruna an lo mikuol a, a hrat bik um lovin 1-1 in an inthat-the. Hi match-a hin half chenah goal thun bik an um nawh a, minute 17 chawin mikuol tieng Juanfran chun Yellow Card a hmu a, chu zo chau